

VIJEĆNIČKA PITANJA/ INICIJATIVE

postavljena na 23. sjednici Općinskog vijeća Stari Grad Sarajevo

| | | |
|----|---------------------------------|---|
| 1. | Ime i prezime vijećnika: | ŠEJLA UZUNOVIĆ |
| | Tekst pitanja/inicijative | Molim službe za informaciju vezano za sanaciju dijela ulice koji veže Veliku Berkušu i Malu Berkušu. |
| | Objasnenje pitanja/inicijative: | Naime, građani od 2020. godine mole da im se sanira taj dio ulice zajedno sa potpornim zidom koji je u privatnom vlasništvu ali ugrožava sigurnost svih koji se tim putem kreću. Prema njihovim informacijama, MZ Toka je podnijela prijedlog općinskoj službi da se ovaj dio sanira, uposlenici su izlazili na teren i napravili Zapisnik, pa Vas molim za povratnu informaciju o stanju ovog predmeta. Prilog: fotografije |
| | Odgovor: | Sanacija predmetnog kraka i zida nije planirana u budžet za 2023. godinu. Isto će biti razmotreno za naredni budžetski period. |
| | Odgovor dala: | Služba za investicije i komunalne poslove |

| | | |
|----|---------------------------------|---|
| 2. | Ime i prezime vijećnika: | ŠEJLA UZUNOVIĆ |
| | Tekst pitanja/inicijative | Inicijativa za zamjenu postojeće rasvjete LED rasvjetnim tijelima u ulici Bistrik od broja 79 od broja 94 |
| | Objasnenje pitanja/inicijative: | Podnosim inicijativu za zamjenu postojeće rasvjete led rasvjetnim tijelima u ulici Bistrik od broja 79 do broja 94, a u nastavku prenosim u potpunosti dopis zabrinute stanarke iz ulice Bistrik, pa Vas molim za odgovor: "Obraćam Vam se u ime građana iz ulice Bistrik od broja 79-94, u nadi da ćete riješiti naše probleme. Prošle godine u ulici su srušene garaže i na tom mjestu se sada odlaže i skuplja smeće. Ulica je zavučena i slabo osvijetljena i primjetili smo da ljudi dolaze i obavljaju svoje fiziološke potrebe, skupljaju se migranti i narkomani, tako da je sigurnost moje porodice i komšija ugrožena. Također smo na par mjesta uočili šprice i igle koje mogu ozbiljno ugroziti zdravlje mene i mojih komšija. Zbog lošeg osvijetljenja u ulici poželjno bi bilo da se postojeća rasvjeta zamijeni led rasvjetom, jer vjerujemo da bi se tako riješili gore navedeni problem. Unaprijed zahvalni." |
| | Odgovor: | Inicijativa za zamjenu postojeće ulične rasvjete novom rasvjetom u LED izvedbi, u dijelu ulice Bistrik od broja 79 do broja 94 je prosljeđena Ministarstvu komunalne privrede, infrastrukture, prostornog uređenja, građenja i zaštite okoliša Kantona Sarajevo, putem kojeg se održava kompletan sistem ulične rasvjete u Kantonu Sarajevo, akt broj: 13/1-19-12-408/23. |
| | Odgovor dala: | Služba za investicije i komunalne poslove |

| | | |
|---------------|---|---|
| 8. | Ime i prezime vijećnika: | ŠEJLA UZUNOVIĆ |
| | Tekst pitanja/inicijative | Na osnovu pisanog upita mještanina Starog Grada podnosim inicijativu za sanaciju i betoniranje pješačkog dijela puta prema podvožnjaku između ulica Hadžiabdinica, Save Skarića Zembilja i Žagrića. |
| | Obrazloženje pitanja/inicijative: | <p>"Obraćam Vam se kao građanin odnosno stanovnik Općine Stari Grad sa molbom za sanaciju dijela pješačkog puta podvožnjaka koji spaja ulicu Žagrići sa ulicama Hadžiabdinica i Save Skarića, kao i obrnuto. U prethodnim projektima Općine Stari Grad kada se vršila sanacija asfalta u ulici Hadžiabdinica ne znam iz kojeg razloga je napravljen propust za sanaciju betonskog dijela pješačkog puta dužine cca 20m x 2m kojeg čini i 10-ak stepenica.</p> <p>Odgovorno tvrdim da je taj put izuzetno prometan i jedini pješački put koji se koristi prema Čobaniji, Drveniji i Centru grada. Stanje u kojem se nalazi ovaj dio pješačkog puta je kako sam već naveo "KATASTROFALNO". Stepenice su potpuno deformisane i vidno oštećene, put je pun rupa i neravnina koje lahko mogu dovesti do padova i teških povreda, te predstavlja svakodnevnu prijetnju po naše stanovnike.</p> <p>Također je potrebno izvršiti betonsku ili neku drugu vrstu zaštite od prskanja prolaznika od strane vozila koja prolaze nadvožnjakom tj. tranzitom, jer se prilikom kiša sva voda iz ulice Žagrići akumulira na tom mjestu puta i prilikom prolaska pješaka kroz podvožnjak, ne postoji mogućnost prolaska bez da ne budete u potpunosti okupani.</p> <p>Molim Vas da poduzmete potrebne radnje za sanaciju ovog dijela pješačkog puta.</p> <p>Za sve dodatne informacije stojim Vam na raspolaganju."</p> <p>S poštovanjem. Almir Kurtović</p> |
| | Odgovor: | Kao što Vam je poznato predmetni dio pješačkog puta (stepenište) nije planirano u budžetu za 2023. godinu. Uzimajući u obzir činjenicu da su sredstva na budžetskim pozicijama sanacije kaldrma i stepeništa ograničena, kao i da je za tekuću godinu delegiran znatan broj istih za sanaciju, sa oštećenjima koja utiču na bezbjedno odvijanje saobraćaja i čija sanacija iziskuje značajna finansijska sredstva i vrijeme za realizaciju, sanacija predmetnog stepeništa će biti razmotrena za naredni budžetski period. |
| Odgovor dala: | Služba za investicije i komunalne poslove | |

| | | |
|----|---------------------------|---|
| 9. | Ime i prezime vijećnika: | ŠEJLA UZUNOVIĆ |
| | Tekst pitanja/inicijative | Podnosim inicijativu za postavljanje turističke signalizacije u svrhu što boljeg pristupa posjetitelja našoj planini Trebević i Parku "Šuma prijateljstva". |

| | | |
|--|--|--|
| | <p>Obrazloženje pitanja/inicijative:</p> | <p>Podnosim inicijativu za postavljanje turističke signalizacije u svrhu što boljeg pristupa posjetitelja planini Trebević i Parku "Šuma prijateljstva". Predlažem da se urade dvojezični putokazi (bosansko-engleski) sa jasno naznačenom udaljenošću, te da se postave na tačkama za koje Služba utvrdi da su važne.</p> |
| | <p>Odgovor:</p> | <p>U vezi sa iznesenom vijećničkom inicijativom pozivamo Vas da predložite lokacije za postavljanje ili da se obratite Turističkoj zajednici KS po ovom pitanju.</p> |
| | <p>Odgovor dala:</p> | <p>Služba za investicije i komunalne poslove</p> |

Stručna obrada: Služba za investicije i komunalne poslove

Sarajevo, 20.03.2023. godine

POMOĆNIK NAČELNIKA

Adis Hadžović

| | | |
|--|---------------|--|
| | | <p><i>Jedina novčana sredstva i ozbiljnija promocija, te molim prijem kod načelnika Ibrahima Hadžibajrića uz novčanu pomoć kako bi joj se pomoglo da bezbrižno odskija ovu sezonu do kraja.</i></p> <p><i>Hvala“</i></p> |
| | Odgovor: | <p>Prije zaprimanja ove inicijative Općinski načelnik Ibrahim Hadžibajrić je upriličio prijem Melike Jažić, te uručio prikladan poklon imenovanoj, pomoć za nabavku dva para profesionalnih skija za narednu sezonu, uz pružanje nesebične podrške za dalji rad i napredovanje Melike Jažić.</p> |
| | Odgovor dala: | Služba kabineta Općinskog načelnika |

Stručna obrada:

Služba kabineta Općinskog načelnika

Po ovlaštenju Općinskog načelnika rukovodilac Službe: ~~Adela Plakalo~~

VIJEĆNIČKA PITANJA I INICIJATIVE
postavljene na 23. sjednici Općinskog vijeća Stari Grad Sarajevo


| | |
|-----------------------------------|--|
| Ime i prezime vijećnika: | Šejla Uzunović |
| Tekst pitanja/inicijative | Moje pitanje se odnosi na čišćenje ulica koje nisu obuhvaćene planom čišćenja KJKP „RAD“ u Starom Gradu. |
| Obrazloženje pitanja/inicijative: | <p>Poštovani,</p> <p>Molim da mi odgovorna služba objasni pod kojim uvjetima civilna zaštita naše općine treba izaći na teren i očistiti od snijega i leda neprohodne ulice u našoj općini, a koje nisu obuhvaćene planom čišćenja KJKP „RAD“. Ukoliko ih zaista treba održavati služba CZ, možete li mi objasniti put kojim se upućuje molba i dalji način komunikacije između građana i službe?</p> <p>Hvala</p> |
| <p>1.</p> <p>Odgovor:</p> | <p>Zakonom o komunalnoj čistoći („Službene novine Kantona Sarajevo“, broj: 14/16, 43/16, 19/17, 20/18 i 22/19) uređena je komunalna čistoća, utvrđene obaveze preduzeća i drugih pravnih lica i građana u održavanju komunalne čistoće, način finansiranja i druga pitanja od značaja za komunalnu čistoću na teritoriji Kantona Sarajevo.</p> <p>Članom 41. stav (1) Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, broj: 39/03, 22/06 i 43/10) propisano je da lična i uzajamna zaštita građana znači najmasovniji oblik pripremanja i organiziranog sudjelovanja građana u zaštiti i spašavanju. Ta zaštita se provodi u stambenim zgradama, javnim i drugim objektima, naseljima i pravnim licima.</p> <p>Lična i uzajamna zaštite ostvaruje se na način što se u datom momentu, kada su građani i njihova imovina ugroženi nekom prirodnom ili drugom nesrećom, dužni odmah samostalno i samoinicijativno preduzimati konkretne radnje, mjere i postupke kojima se može zaštititi sopstveni život i život i zdravlje svoje porodice i spasiti svoja imovina, a istovremeno pružiti i pomoć na zaštiti života i zdravlja drugih građana kojima je ta pomoć potrebna. Toj obavezi podliježu svi sposobni i zdravi građani.</p> <p>Shodno naprijed navedenom, te cijeneći činjenicu da je članom 46. Zakona o komunalnoj čistoći („Službene novine Kantona Sarajevo“, broj: 14/16, 43/16, 19/17, 20/18 i 22/19) propisano da uklanjanje snijega sa pločnika i posipanje pločnika ispred stambenih zgrada u vlasništvu građana, vrše vlasnici tih zgrada, to uklanjanje snijega i leda sa neprohodnih ulica na području Općine Stari Grad Sarajevo, koje nisu obuhvaćene Planom</p> |

| | | |
|--|---------------|--|
| | | zimskog održavanja cesta na području Općine, nije u nadležnosti Službe civilne zaštite Općine Stari Grad Sarajevo. |
| | Odgovor dala: | Služba za civilnu zaštitu |

Stručna obrada: Služba za civilnu zaštitu

Sarajevo, 06.03.2023. godine

**PO OVLAŠTENJU OPĆINSKOG NAČELNIKA
POMOĆNICA NAČELNIKA**


Amna Hasić